

庶物類纂

蛇屬
自六至七

容

太政官文庫			
特別	和	書	門
三三六二			類
茅子番函			
四六五	册	架	函

内閣文庫	
番號	和 32362
冊數	465 (404)
函號	54 1

百内

共四十六




Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂蛇屬卷之六目次

龍

龍卵

庶物類纂 卷六

蛇屬目次

龍

龍

蓬萊羽山有龍自天而下一時力田之人多聚觀之旋入石壁人從玄尾割肉旋割旋縮玄肉似魚而理抽土人有食之者

申狀○登州府志

嘉靖七年大旱蝗八月二龍見知縣聞人詮欲開越河集夫役築土以計工費時陰雲四合二龍見鱗角畢露大雨獨不及工所咸稱神異

寶應縣志

金山有一龍穴常吐毒氣如霧有迹之多病或斃大曆八年釋靈坦往居之毒遂滅

丹徒縣志

順治二年五月大雨霹靂一夜不絕有窮民棲人簷下者電過見有龍尾數條下垂去地僅五尺許東鹿縣志

康熙九年五月內新壘頭村王立基井中有龍起電

電大作井邊有槐樹二各震去其半烟出井中時頃

方息同上

康熙七年六月日未時天微雨城西南隅叅將蘓應

世家廳事鴟頭上忽火焰從小孔中出霹靂大震火

光滿城鴟頭破為二見一龍飛去人多驚仆先是郡

人高某館于廳偃卧恍忽見東隣一人來就言忽不

見遂驚駭移西廊坐未穩見有火光斗大墮院中輒入廳內震隨大作院屋皆硫黃氣移時方息同上

峯口龍潭縣北三十里水源山下其潭有龍遇旱鄉

人洒灰觸之即雨山上冬月有桃如卵樵人時或見

之翁源縣志

明正德十年四月有龍起西北風雨大至沙石蔽空

摧撤本州禮房架閣庫軍器庫及壞民居四百餘間

通州志

馮萬峯老僕名陳榮祖遺粟木麩杖歷四世其偶欲

洗淨方置河中竟冉冉而去狀如遊龍急撈之無縱
跡陳曰失杖前二夕覺杖在壁間跳動失後寂然


江松府志

淳熙甲辰歲大風有二龍戰于澱湖宇浮屠為之飛
動頃之一龍蟠護其上遠近皆見之同上
正德己亥六月一日未時龍下東南隅自雲中接地
玄雲一縷中蜿蜒須臾雲盡散騰驤於虛中望之可
縛冉冉而墜已而一龍下少南若初烟霧中雙垂疑
若兩龍然雲亦盡散而墜頃間復自下從薄雲而升

余居海濱四歲數見龍未有若斯之奇者是日北
蔡民項昂家為龍火燒焚壓死者凡七人亦龍災也

陸文裕集
○同上

萬曆末年東北鄉民吳甲家貧無妻一日漬米於河
有物憑木浮來大如鷄子剖視類胡桃試嘗之不咽
而已入喉間其頃之腹痛稍飲水即已後腹漸大歲
餘痛復如前仍飲水未幾腹逆裂如有物下者掬之
一胞孩也按揚升菴曰水面浮來一物狀如胡桃肉
可啖名曰吉吊是龍之遺精所化遇之必有孕正與



此合且古有明著其事者，歷弧箕服是也。但陰陽無別移，婦人之事於男子不逾怪乎。嘉定縣志

葉公好畫龍，真龍下降，說見新序。疑為當時寓言，未必實有其事。今相傳有龍臺，當屬好事者所緣飾乎。葉縣志

宣和元年夏雨，晝夜凡數日。及霽，開封縣前茶肆中有異物，如大犬蹲踞臥榻下，細視之，身僅六七尺，色蒼異，其首類驢，兩頰作魚頷，而色正綠，頂有角極長，於其際始分兩岐，聲如牛鳴，與世所繪龍無異。茶肆


近軍器作坊，兵卒來觀，共殺食之，已而京城大水，訛

言龍復讐云。汴京遺蹟志

康熙乙巳五月二十日，亭午城中，有黑雲自西南起，忽出光如電，一龍蟠焉，色紅紫，鱗爪俱現。時不雨而風間捲，民屋仍迤迤西南去。德安府志

蒼山相傳有龍，卅周氏女年笄未字，汲水溪邊，見一卵，脫之，取而含，諸口誤吞，下後產一白龍，遂驚死。鄉人取其骸骨，塑以坭，藏置岩洞間，早祈雨甚驗。遂立

廟，每夏秋間，早即迎其神禱之。永嘉縣志



龍井者邑乾方數里餘古龍廟之前通海泉為巨井以雨之靈得龍名者也舊傳井有神物潛其中歲不雨禱諸廟得泉水湧之輒雨龍之為靈昭昭也郡志井八角前鄉人修而圜之所謂神物者杳不聞矣邑侯龍溪許公廷聞蒞茲土而憂旱也靡神不舉勞瘁形于容尋故事禱龍廟汲其泉貯之壇其感如響且屢感屢應焉邑五歲三旱攸賴以寧公乃出廉俸增修廟貌而龍井復八角如古制然方營理時井無所見也功既成與其事者官與民上下遠若近聚而樂

之于時為乙卯歲夏之閏五月廿一日也越一日廿二當午井有黃中邑二龍子見可二三寸鄉人競傳呼而玩之視若蠃蜒不甚駭已而大尺許又大而八九尺許見者始懼錯愕羅拜不敢復狎顧矣淮南子曰蛟龍伏寢于淵此未可以習睹測也有蜥蜴者似蛇生草澤中爾雅蝮蜥蜴其類也至陶隱居以為形大純黃色者名蝮蜥似蝮蜥而赤小形長尾見人不動者名龍子小而五色尾青碧可愛者名蜥蜴其狀既如龍故禱而用之古法求雨坊巷各以大甕貯

水坤柳枝次蜥蜴使青衣小兒環繞呼曰蜴蜥蜴興雲吐霧降雨滂沱放汝歸去此亦象龍致雨之義也若龍子者因其所在宜可以致雨則又非可襲用爾夫龍廟之井異微如此則其謂之龍井也固宜蓋聞萬物皆袒于龍羽嘉生飛龍飛龍生鳳凰而後羽者以次生焉毛犢生應龍應龍生建馬而後毛者以次生焉介鱗生蛟龍蛟龍生鯤鯁而後鱗者以次生焉介潭生先龍先龍生絃龜而後介者以生焉繹龍子之名不問而知為瑞應之物變化無方也以此乾

之七爻故由潛而吉象天蒼龍七宿故俗傳舞箕則雨為邑景物之最蓋許侯之治邑也百廢俱興未易更僕以是井也與廟偕新誠之格也神之聽也物之小也而忽大也歲之儉也而忽豐也和政之召也發育之盛也瑞應之有徵也志氣之如神也斯亦奇矣嘉村張子爰紀其事

龍井紀事
深澤縣志

康熙十二年六月馬鋪村民杜金旺家龍起風雨大作破壁截椽而去

同上

康熙十四年閏五月廿二日貢村龍母廟鄉眾慶成

廟前八角井中忽見二赤龍群羅拜之頃刻不見上同
水中殿塔在一都疏華山頂去治百里比邑境諸山
其勢猶高凡登者自朝至暮竭一日之力始達巔際
寬平有長湖深不可測李蛇數十里水經九際又數
十里始出大溪初山巔無湖有古刹刹主比丘年八
十餘曉夜誦金剛經忽日有一後生來謁比丘異其
狀貌詰之對曰僕九際井中龍也上蒼禁雨枯蒼葉
天師法喜者索雨甚急欲假道力暫庇何如比丘曰
佛前鉢盂中可以奉處其人即化小蝦潛鉢中因戒

諸行童勿易盂水他日諸行童懇請主見龍形相主
不得止對盂咒語取水傾之龍即見全形長百餘丈
盤繞寺境毫光閃爍雲霧滃濛寒威暴巖風勢倏冽
諸行童大驚乃誦大悲音庵諸咒而撞其鐘龍倉卒
斂形寺境隨沒而為湖焉比丘獨揭二鐵爐置石岸
而去爐今有三其一乃成化間孝子顧仕成所鑄者
也有好事者當天色晴明夜半起行來日午刻到湖
側肅靜睇眎而水中寺影雖殿閣樓塔皆彷彿見之
稍不敬有聲歎聲則無所見矣龍泉縣志

庶物類纂卷六 蛇屬龍 八

風水洞在公館上東坡嘗遊而樂之題云天地一竅
庚申七月大雷電江中一龍躍入石洞近田百畝餘
一時蹂踐南北兩山龍以雷化從石而出上升於天
此龍反入石中其修未至歟抑時但可躍而不可飛
歟於此可以悟躍龍飛龍之理仁和縣志
魏甘露四年正月黃龍二見寧陵井中群臣稱賀魏
主髦曰龍者君德也上不在天下不在田而困于井
非嘉兆也作潛龍詩以自諷司馬昭見而惡之未幾
果有成齊之禍寧陵縣志

放生池在寺東嘉靖間僧普賢買一金鯉放池俄黑
雲起隨化黃龍飛海年久淤漲萬曆三十年督造張

隨濬普陀山志

宋有龍者曰龍風無龍曰颶風颶風易備龍風難防
國朝順治七年龍見仙景沙兩目如燈風雨時作所
過赤地十七年八月二十三日碧天無雲平洋沙
砵頭港有龍自天而下海中湧出一物大合抱高數
丈忽接龍尾龍體通白頭足如牛鱗甲晃耀二鬣長
丈餘田禾廬舍壞及數里一人摸至樹頂墮草中

得不死言之甚詳

康熙二年四月十六日龍現暴風起西北大雨雹平地盈尺便民河東四十餘塊菽麥盡折禾秧一掃二熟俱荒三年龍騰白蜺沙冰雹隨至時麥方稔所過俱傷房屋飛颺空中知縣龔公榜具申十九年六月初九日風雲陡作龍現永寧沙從新開河經箔高排定四沙入海一路毀民居三十餘家撲二棺至空中板墮成屑屍擲故處石磨飛翔如燕二十六日有龍起石家灣至享沙撲毀民房百餘家棺木倒

翻甚多已上崇明縣志

秋龍見于絳郊魏獻子問于蔡墨曰吾聞之蟲莫知于龍以其不生得也謂之知信乎對曰人實不知非龍實知古者畜龍故國有豢龍氏有御龍氏獻子曰此二氏者吾亦聞之而不知其故是何謂也對曰昔有騶叔安有裔子曰董父實甚好龍能求其嗜慾以飲食之龍多歸之乃擾畜龍以服事帝舜帝賜之姓曰董氏曰豢龍封諸豸川豸夷氏其後也故帝舜氏世有畜龍及有夏孔甲擾于有帝帝賜之乘龍河漢

各二各有雌雄孔甲不能食而未獲豢龍氏有陶唐氏既衰其後有劉累學擾龍于豢龍氏以事孔甲能飲食之夏后嘉之賜氏曰御龍以更豕韋之後龍一雌死潛醢以食夏后夏后饗之既而使求之懼而遷于魯縣范氏其後也獻子曰今何故無之對曰夫物物有其官官修其方朝夕思之一日失職則死及之失官不食官宿其業其物乃至若泯棄之物乃坻伏鬱湮不育故有五行之官是謂五官實列受氏姓封為上公祀為貴神社稷五祀是尊是奉木正曰句芒

火正曰祝融金正曰蓐收水正曰玄冥土正曰后土龍水物也水官棄兵故龍不生得不然周易有之在乾之垢曰潛龍勿用其同人曰見龍在田其大有曰飛龍在天其夬曰亢龍有悔其坤曰見群龍無首吉坤之剝曰龍戰于野若不朝夕見誰能物之獻子曰社稷五祀誰之五官也對曰少皞氏有四叔曰重曰該曰修曰熙實能金木及水使重為句芒該為蓐收修及熙為玄冥世不失職遂洊窮桑此其三祀也顓頊氏有子曰黎為祝融共工氏有子曰句龍為后土

此其二祀也。后土為社，稷田正也。有烈山氏之子，曰柱，為稷。自夏以上祀之。周棄亦為稷，自商以來祀之。


曲沃縣志

金盤山中龍神顯靈，祈雨即應。初未稱王也。萬曆時，宮中火，市有民婦遇一人求茗，婦人出杯茗以飲之。其人即傾之於地，婦怪之，須臾宮中大雨，火遂以熄。其色皆茗也。神因於御柱，上書四川長壽縣金盤山龍神赴京救火數字，而神宗皇帝大異焉。及歸至巫山，與先達戴公網庵同舟，一夜風送輕舟，遂至邑之

龍溪河公不知其為龍也。頃之與公別，曰：吾龍神也。幸與公同舟，共濟，棋酒為歡。今無以為贈，有詩十二首，按月分題。倘遇某月早，即以某詩相告，當為公雨。後果應之如響。神宗乃特勅封王。此老龍洞龍王之所由稱也。至今父老猶能言之，故謹書於傳後。

金盤山石堂記略。長壽縣志。

龍潭距縣城西之三十里，曰西村。潭廣八十餘畝，甚早不殺，溢流於博鋪港村之田，疇資灌溉之利者，頃以數十計。相傳宋天聖間，白龍起潭中，都人立壇潭



側為歲時祈禱地水清魚美飲馬輒肥其中常有雲氣偶旱白氣上騰必雨臨高縣志

胡師娘潭在縣南三十里舊傳有巫家女浣紗溪上

為龍捲去其屍久不出後有漁人云見一女乘龍自

南海升天遂以名潭每欲雨則有雲霧黃巖縣志

赤頰潭在縣西五十里亂山中龍出入必大風雨故

近山無居人旁有大木皆無膚葉父老言有龍黑身

赤頰遂名潭賜封靈普獲同

萬曆十六年旱無獲饑死無算秋有白龍騰海上紅

光半天空中遙見龍首下垂鱗甲奮張晃晃若磨銀

兩角間有金冠紫衣仗劍立者其神長尺許雲水騰

沸咫尺晦冥龍忽戲吐頷下珠光芒團圍大如斗祭

祭一似中秋月頃之遂收約在塢院前水中央東湖

水盡涸學前樓屋石坊俱壞空中拽人舟而騰有不

知去向者平湖縣志

西雲山在縣東南十五里舊有普照寺倚有龍井明

天啓間知縣龍文光旱禱至井得小蛇內之甕中載

以入城未至而雨隨注乃以銀鈴係蛇頂還之井後

邑人常見蛇頂鈴如故禱之輒應因名其井曰靈應

龍潭 南安府志

康熙十九年七月朔日有火自池中躍出守埤者望以為龍也三十二年諸生蔡衍鏡蔡鍾等復斂貲重

濬 漳浦縣志


龍世說云嵩山有大穴晉初有人誤墮其中遇仙人飲以玉漿告之曰從此西行有天井其中有蛟龍但投身入井自當出饑則取井中物食之墮者如言乃出歸浴下問張華曰龍穴石髓也又嵩山龍潭群龍

所居遊者不敢笑語讀之龍怒則有雪恐唐武居封禪處刻石戒之韓文公酌龍潭水亦遇雷見集古錄及雲麓漫抄 嵩書


龍廬山上下龍潭以百計不皆有龍多移徙去來不一狀性好潔出入近潭處雖盛夏必有雷雨漸遠則

無 南康府志

博物類纂卷五




龍卵



博物類纂卷五

蛇屬 龍卵



龍卵

程子云人有曾于鉄狗廟下穿得一龍卵後寄于金山寺龍能壅水上寺門取卵不得二程全書

昔有温氏媪者端溪人也居常澗中捕魚以資日給忽於水側遇一卵大如斗乃將歸置器中經十日許有一物如守宮長尺餘穿卵而出因任其去留稍長五尺便能入水捕魚日得十餘頭稍長二尺許得魚漸多常遊波中縈回媪側媪後治魚誤斷其尾遂遂巡而去數年乃還媪見其輝色炳耀謂曰龍子今復

來也。因盤旋遊戲，親馴如初。秦始皇聞之，曰：此龍子也。朕德之所致，番使者以玄珪之禮聘媪媪，戀土不以為樂。至始興江，去端溪千餘里，龍輒引船還，不踰多至本所。始此數四，使者懼而止，卒不能召。媪媪殞瘞于江陰龍子常為大波，至墓側營浪轉沙以成墳。人謂之掘尾龍。今人為船為龍掘尾，即此也。南越志

耀文天中記

計宗道惟中柳州羅池人，自言其高祖在洪武中為巡檢，居一山，號計家砦。嘗出行得一巨卵如升，持歸

使鷄伏之，百餘日乃產一物，狀類蛇，四足蒼色，鱗甲遍體，其長不盈尺，行則昂首竦身，殆若獸走。家人以米汁飲之，數月漸大，好飲生血，每割割羊豕則取血啖之，久而益馴狎。計公行止，蛇常隨之。至呼之出蟠于榻旁，以手摩之，冷如水。鐵一家呼為小龍。傳聞外間多求觀者，計心念曰：是且致口語為吾家禍矣。乃放之。廨後溪潭中，囑曰：汝毋憂饑，吾每日當遣人飼之。汝自今不得復出也。還內蛇已隨。至計叱曰：汝不聽教，令斬汝矣。蛇如解人意，俯首帖尾，即還潭中。自

是常以血置潭口輒奮起就食歲久大且踰丈一月有同官之子婦汲于潭婦衣紅蛇望見以為血也捲而齒之至死同官怒聲言爾畜妖物殃人吾且以白上官必破爾家計恐哀祈之且致厚餽乃得解由是惡蛇欲斬之持刃至潭仍置血以誘其出因投刃斫之蛇驚而匿僅斷其尾尺餘自是不復出亦不知其存亡數年後一夕風雷暴作雲霧中有蒼龍自潭起長數百丈擎空而去家人皆指云小龍化也惟中予家同年進士

明陸榮
庚巳編

成化五年六月初九日河決杏花營水及提明日三司以牲醴致奠歸有一卵浮于河大如人首下銳上圓質青白微具五色又多鰲黑點魚者得之守河者以十疋布易焉因馳以告始觀之甚恐以手撼之中汨汨作水聲又甚重氣煖而澤潤不知何祥也或曰龍卵吾聞龍有胎未聞卵生或曰蛇亦卵生此固其類也越三日予遇和僉憲于州橋西見圖其狀于壁且書其上曰玄珠占法江湖見龍卵主大水又聞前一日卵送開封府皆懼不敢收守與判相却之間墜

庶物類考 卷六 蛇 龍 四


于地中惟水而已明吳郡劉昌縣葛瓊探

七修類稿引伊川語錄云龍以卵生亦非神物更一等龍必須胎生昔有人穿地得龍卵寄於金山龍能湧水入寺取卵去至于胎生則本草有龍胎龍胎之物陶隱居自以為親見形體俱存此又或有胎生也清來元成博學彙書

博物志云徐君宮人有娠而生卵以為不祥棄于水濱洲孤獨母有大鵝蒼銜所棄卵以歸覆煖之乃成小兒生時偃故以為名宮人聞之更取養之及長立

為徐君後謁蒼臨死生角而九尾化為黃龍也夫龍既卵生而又有胎生人既胎生而又有卵生斯變化之莫測耳同上

江西通志云孝通廟在臨江府新塗縣相傳秦時有溫媪經程溪得巨卵藏于家生七龍放之江媪或至江口龍輒獻嘉魚若奉養然媪死塋程溪將圮一夕雷電遷之高岡鄉人為立祠唐賜額曰孝通同上膠州志州有小珠山雙峯巖高入雲際正隆三年秋雨民行山間見一卵在地可盛粟二石斑斕光彩



民川葛藟舁以歸數少年攫取去卽煮食之旬日颶
風大作居者百餘家皆掀舉躋于山顛食卵者悉撲
死老幼子計皆無恙始知爲龍卵也同上

紀畧云成化中河南省下有漁人得一龍卵於黃河
邊葦泊中大容三升許一高以數疋布易之送于官
置于延慶觀時周斌知開封府命擊破之中包碧水
餘無所有數日後大風揚沙黑雲自觀中起勢甚猛
庭前有兩樹都司前一大樹皆拔去左布政章繪宅
有樓去其半有一大銅盆亦從空飛去清來元成博學彙書

陳傾開中今古曰成化間黃河邊有龍生一卵在葦
泊中大如升許渙者得焉一商人以布易之送於官
置諸延慶觀居民異之觀者如堵時盧龍固斌知開
封府以其惑亂人心擊碎之中包碧水餘無所有數
日後俄有大風自觀中起拔庭前兩木從東北去拔
都司前一大木又拽去左布政章繪衙內樓後半間
未發繪被原傑侍郎考黜斌擢陝西參政去禍福有
定不可惑也併記之汴京遺蹟志
仁義里獲溪橋源出大山陽流入演江仁潤九里深

庶物類纂 卷六 龍卵 六

十一丈東流二十里入海昔有二龍起於江中白歸
三陽則白龍潭也黑居山陰則祥雲潭也有人於潭
側獲卵殼大如斗

三山志

頂湖山東北四十里在水坑都高十餘仞周百里屹
然為一方巨鎮山頂有湖四時不竭盤鬱森聳攀躋
莫至相傳有樵者于山中見大卵數枚收之下山雲
霧四起雷電迅發還卵舊所天乃開霽

高要縣志

樣謹按宋沈括夢溪筆談載天聖中進輔獻龍卵
云得自大河中詔遣中人送潤州金山寺是歲大

水金山廬舍為水所漂者數十間人皆以為龍卵
所致至今匱藏予屢見之形類色理都如雞卵大
若五斗囊舉之至輕惟空殼耳此即沈子目擊之
說也龍卵不須斷而無焉然而初獻時形類色理
不知據何斷而為龍卵

庶物類纂卷六
蛇屬
龍卵
七

庶物類纂蛇屬卷之七目次

龍骨

龍齒

龍角

龍皮

龍髯

龍骨

龍骨

惠帝七年夏雷震南山大木數千株皆火燃至末其
下數十畝地草皆焦黃其後百許日家人就其間得

龍骨一具鮫骨二具晉葛洪西京雜記

冀州鵠山傳龍千年則於山中蛻骨今有龍岡岡中

出龍腦是也梁任昉述異記

漢惠帝七年夏雷震南山林木皆自火燃至根其地

悉皆焦黃後其雨迅過人就其間得龍骨一具同上

舊言春水時至魚登龍門有化龍者今汾晉山穴間

庶物類纂 卷七 蛇屬 龍骨 二

龍蛻骨肉甚多人採以為藥有五色者唐李肇唐國史補

王子年拾遺曰方丈山東有龍塲地方千里龍皮骨如阜布散百餘頃述異記晉寧縣有龍塲洲父老云龍蛻骨於此洲其水今猶多龍骨按山阜岡岫能興雲雨者皆有龍骨或深或淺多在土中齒肉尾足宛然皆具大者數十丈或盈十圍小者纔一二尺或三四寸體皆具焉嘗因採取見之論衡云蟬生於腹閱背而出必因雨而蛻如蛇之蛻皮云近蒲州人家拆草屋於棟上得龍骨長一丈許宛然皆具感應經太平廣記

唐咸通末舒州刺史孔威進龍骨一具因有表錄其事狀云州之桐城縣善政鄉有百姓胡舉有青龍鬪死于庭中時四月尚有繭箔在庭忽雲雷暴起聞雲中有擊觸聲血如醜雨洒繭箔上血不汗箔漸旋結聚可拾置掌上須臾令人冷痛入骨初龍拖尾及地遶一洧桶即騰身入雲及雨悉是洧也龍既死剖之喉中有大瘡凡長十餘尺身尾相半尾本扁薄鱗鬣皆魚唯有鬚長二丈其足有赤膜翳之雙角各長二丈其腹自相齟齬時遣大雲倉使督而送舟以肉重

不能全舉乃割之為數十段載之赴官

出唐年補錄○同上

盛弘之荊州記曰始安駭鹿山室鑿室內輒得龍骨

下有伏滔

太平御覽

蜀有蠶市每年正月至三月州城及屬縣循環一十五處者舊相傳古蠶叢氏為蜀主民無定居隨蠶叢所在致市居此之遺風也又蠶將興以為名也因是貨蠶農之具及花木果草藥什物有鬻龍骨叟與孫兒輩將龍骨齒肉頭脊之類凡數檐至暮貨之亦盡因問所得之處云某住靈池縣分棟山山去府城七

十餘里北連秦隴南接資瀘山阜岡岫之間礮洞土穴之內有能興雲雨之處即有龍蛻骨焉齒肉頭足皆有五色者有白如綿者有年深朽腐者大十數丈小三五丈掘而得之甚多龍之蛻骨與蟬蛻無異又聞龍有五苦謂生時眠時搖時怒時蛻骨時也每年秋夏中一兩度愚遙見分棟山上陰雲勃起其間一物白色拖尾及天蟠入雲如曳練長七八十尺時濯錦江橋上千人縱觀食頃方拏奮而沒旋有暴雨滂沱雷震數聲倏忽開霽得不為蛻骨者龍乎因蠶市

有王仲璋得一蛇，蛻長五六尺，腹甲下有四爪，如雀之爪。胡本立得一龜，小如錢，綠色，背有金線，界成八卦象。鄭伯廣得一小瓢子，如壘兩皂莢子，堅實，重厚無有及者。休復亦曾得芝，本兩層抱石而生。每蠶市好事者，凌晨而往，忽有遇神仙者，或有遇靈藥者，或有遇奇物者。耆父相傳，青城山仙人隱士多，因蠶市接救人爾。宋黃休復茅亭客話

陶隱居云：今多出梁益間。巴中亦有骨，欲得脊腦，作白地錦文，舐之着舌者良。齒小強，猶有齒形，角強而實。又有龍腦肥軟，亦斷痢云：皆是龍蛻，非實死也。北來巴中，散得龍胞，吾自親見形體，具存云：療產後餘疾，正當末服之。唐本注云：龍骨今并出晉地，生硬者不好，五色具者良，其青黃赤白黑亦應隨色，與腑藏相會如五，芝五，石英五，石脂等輩，而本經不論，莫知所以。嘉祐補註本草

雷公云：剡州生者，倉州太原者上，其骨細文，廣者是雌骨，麓文狹者是雄骨，五色者上，白色者中，黑色者次，黃色者稍得，經落不淨之處，不用，婦人採得者不

用上同

龍骨并齒角出晉地川谷及泰山巖水岸土穴中死龍處今河東州郡多有之或云是龍蛻實非死骨得脊腦作白地錦文舐之着舌者良齒小強猶有齒形角強而實採無時李肇國史補云春水時至魚登龍門蛻其骨甚多人採以為藥而有五色者本經云出晉地龍門又是晉地豈今所謂龍骨者乃此魚之骨乎或云骨有雄雌細文而廣者是雌麤文而狹者是雄凡入藥五色具者尤佳黃白色者次黑色者下皆

不得經落不淨處則不堪用骨齒醫家常用角亦稀使惟深師五邪凡用龍角又云無角用齒千金方治心有兼用龍齒龍角者韋丹療心熱風癩取爛龍角濃研取汁食上服二大合日再然則龍角有爛者此物大抵世所稀有孫光憲北夢瑣言云石晉時鎮州榜邪臺界嘗鬪殺一龍鄉豪有曹寬者見之取其雙角角前有一物如藍色文如亂錦人莫之識曹寬未經年為寇所殺鎮帥俄亦被誅本草圖經龍骨諸諸之說紛然不一既不能指定絡是臆度西

蛇屬

龍骨

京穎陽縣民家忽崖壤得龍骨一副支體頭角悉具不知其蛻也其斃也若謂蛻斃則是有形之物而又生不可得見死方可見謂其化也則其形獨不能化然西域記中宋寇宋奭本草衍義

機謹按諸諸一本作諸醫絡當作終

普曰龍骨色青白者良明李東璧本草綱目

龍骨本經以為死龍陶氏以為蛻骨蘓冠諸說皆兩疑之竊謂龍神物也似無自死之理然觀蘓氏所引鬪死之龍及左傳云豢龍氏醢龍以食述異記云漢

和帝時大雨龍墮宮中帝命作羹賜群臣博物志云張華得龍肉鮓言得醋則生五色等說是龍固有自死者矣當以本經為正明李東璧本草綱目

別錄曰龍骨出晉地雷氏曰太山剡州滄州太原山巖水岸土穴中此龍化解脫之處即有也其骨細其文廣者雌其骨粗其文狹者雄五色具者上白黃色者中純黑者下矣蘇氏曰各隨五色合五藏如五芝五石脂五石英之入五藏也爾雅翼云鱗蟲三百六十而龍為之長說文云龍春分登天秋分潛淵陰中

之陽故夏月龍舉而雲興物之至靈者也盧氏曰按淮南子云羽毛鱗介皆祖于龍羽嘉生飛龍飛龍生鳳凰而後鸞鶴庶鳥凡羽族者以次生焉毛犢生應龍應龍生建馬而後麒麟庶獸凡毛族者以次生焉鱗介生蛟龍蛟龍生鯤鯁而後建邪庶魚凡鱗族者以次生焉介潭生先龍先龍生玄龜而後靈龜庶龜凡介族者以次生焉埤雅云龍鱗八十有一具九九之數陽之極也故為辰而司水鯉鱗三十有六具六六之數陰之極也故變陽而化龍又云龍卵生而思

抱雄鳴上風雌鳴下風因風而化廣雅云有鱗曰蛟龍有翼曰應龍有角曰虬龍無角曰螭龍未升天曰蟠龍玉符稱世俗畫龍之狀馬首蛇尾又有三停九似之說謂自首至膊膊至腰腰至尾皆相停也九似者角似鹿頭似駝眼似鬼項似蛇腹似蜃鱗似魚爪似鷹掌似虎耳似牛也或曰龍無耳故以角聽又云驪龍之眸見千里纖芥論衡云龍頭上有骨如博山形名尺木無尺木者不能昇天其為性粗猛而畏愛玉及空青而嗜燕故食燕人不可渡海又曰蛟龍畏

棟葉及五色線故漢以來祭屈原者以五色線合棟葉裹糯米縛而擲之則蛟龍不敢吞故古之豢龍氏御龍氏以知其好惡而節制之將雨則吟其聲如戛銅盤其涎能發衆香其嘔氣能成雲因雲以藏其身故其形不能全見今江湖間時有見其爪與尾者歲時記曰五月後龍乃分方各有區域故兩畝之間雨暘異焉又多暴雨說者曰細潤者天雨猛驟者龍雨也又龍火與人火相反得濕即焰遇水而燔以火逐之則息而滅矣服食者所當知其如此江氏曰如修

治龍骨用火煨三時辰研萬匝極細用明倪朱謨本草彙言

龍骨一品本經謂死龍之骨陶氏謂蛻化之骨後之臆度者辯訟紛紛總之未嘗親見此韓氏所以有獲麟解也竊以龍為神物或飛或潛或大或小靈竒變化莫可色相是必無死理即曰肉血生養終須尸蛻然外有爪牙鱗鬣鬚角之形內有筋骨府藏吞吐之具其骨雖經蛻化寧非血肉所滋自當有髓有節有竅有絡一經火燒酒淬中之津氣油液當必滲逗雖積久土化性或常存今火燒則頑硬無烟口嚼則冷


淡無味搗研則堅銳不糜輒萬匝方細纔以齒叩之
 仍礮礮如石之屑號曰龍骨朱甚惑之間嘗過晉蜀
 山谷為訪所產龍骨之處岩石稜峭谿徑墳衍則有
 礮礮如龍鱗隱隱如爪牙者隨地掘之盡皆龍骨豈
 真龍之骨有若此之多而又皆盡積於梁益諸山也
 要皆石燕石蟹之倫蒸氣成形石化而非龍化耳朱
 實有見於此不敢不為置辯同上
 或云有雌雄骨文細而廣者為雌文粗而狹者為雄
 明鄭二
 陽藥鏡

物多換骨如人之齒龍之骨象之牙鹿之角蛇之皮
 蝦蟇之殼皆終身一換惟鹿則每歲一換龍象至六
 十年骨全而後換也鈞玄錄○明劉仲達鴻書

龍壽萬年不死今之龍骨或以為蛻也見本草按造
 化權輿云龍易骨蛇易皮麋鹿易角蟹易螯由此言
 之信乎龍之骨蛻骨也明仁和姜南大賓辱語

蜀五城縣其值天門天門龍升天不達死墜此地
 故掘取龍骨冬無已華陽國志○明陳耀文天中記

晉地山谷及泰山岩水岫土穴中死龍或云春水時



至魚登龍門蛻其骨甚多人採以為藥實非死龍然骨有雌雄雌者細文而廣雄者文粗而狹凡入藥五色具者佳

明馮應京月令廣義

嘉靖癸丑余客邳之宿遷縣時淮泗大水河無岸際霜後水落河中新吐一洲上有龍骨一副頭角身尾全具居民驚異競渡取之人有以角半隻相貽者其色白形即枯骨舐之黏舌入藥用甚効莫知其所由姑錄之以俟博識

明方有執傷寒論條辨

機謹按今藥肆所貨龍骨龍齒難辨真偽嘗久疑

焉享保丁未歲交趾之商舶携象子雌雄來雌斃於肥之長崎戊申歲獻雄於武江且上死象之齒骨而得觀焉今藥肆所賣龍骨齒校之象齒毫無違蓋姦商偽克之乎抑象此遠產之畜也故華人亦不識而為蠻人所欺乎學醫者不可不知

龍者東方之神故骨與齒皆主肝病許叔微云肝藏冤能變化故遊冤不定者治之以龍齒古方有遠志丸龍齒清冤散平補鎮心丸皆收攝肝氣之劑也又龍骨以白者為上取固上氣以攝下脫齒以蒼者為

復生則微黑煨之翡翠可愛較白者功用更捷產後血暈為要藥取其直入肝藏也予聞神龍蛻骨之說初未之信及從藥肆選覓龍齒見其骨有變化未全者半與牛骨無異始知宇宙之大無所不有即如蛇蟲之屬皆能蛻形化體豈特雲龍風虎而已哉龍稟東方純陽之氣故能興雲致雨東方木氣主乎生也其耳獨不司聽者陽神別走於角也春夏發現而秋冬潛伏者隨陽氣鼓舞也虎稟西方陰暴之性故嘯則生風西方金令主乎殺也其項獨不能仰者陰威

併振於尾也晝潛伏而宵奮迅者乘陰氣之暴虐也以此推之則虎骨能搜風氣健筋骨療疼重睛能定人魄魄者陰之精也龍骨能蓄精氣收神識止滑脫齒能清人魂魄者陽之神也然龍性飛騰而骨獨粘者正以其滯而欲蛻之始得飛冲御天非飛冲後而蛻其骨也觀本經驚癩癩疾結氣甄權鎮心安菟龜等治總皆入肝歛菟用以療陽神之脫同氣相求之妙許叔微云肝藏魂能變化故菟遊不定者治之以龍齒時珍曰龍者東方之神故其骨與齒皆主肝病

庶物類纂 卷七 龍骨 十二

清張路玉
本經逢言

龍骨華陽國志中江縣東二里三嵎山六出三起出
龍骨民掘取之馬總唐年補錄曰咸通末孔威刺舒
州進龍骨一具清皖桐方氏
物理小識

成化中寧遠民家有田十餘畝苗甚蔚一夕雷雨苗
壓死挺十餘丈主人不覺也越十餘日往視之一物
肉爛盡鱗爪齒骨如神龍因拾取歸醫以治痰血瘡
痢狂喘驚痿有奇效古稱失投龍信與抑神龍蛻胎
骨其真然與湖廣
通志

萬曆七年三月十八日申時大雷雨黃浦舊決口南
岸平地穴深丈餘方二十八丈內遺骨甚多一時商
民聚觀爭取以去居民郭嵩屋後遺一物如馬首豎
實如石揚州府同知韓相驗視舐之粘舌有郭三得
其脛骨齒肉等悉鼻送郡藏總河都御史潘李馴巡
撫侍郎江一麟聞於朝先是黃浦被決為蛟龍所據
每陰雨則聞聲如雞啼是月十二日決口塞遂以後
五日蛻去淮安
府志

萬曆丙申黃河水溢總河大司空楊公大司徒督撫

褚公奉命開新河分黃便漕濬得龍蛻楊褚二公有
龍骨表本縣學生房惟修呈詩紀瑞云淮海鍾靈亦
有年蛟龍蟠伏待飛天乘時鼓動新流裏遺蛻縱橫
舊壘邊河出圖書徵至治洛呈洪範兆開先明良嘉
會符千古好入鑾坡太史編桃源縣志

穆宗隆慶三年羅江縣鄉人濬井得龍首骨及珠一
顆如鵝卵大晶光耀目人爭取玩忽雷一震復墮於
井再覓之不獲四川總志

龍蛻洞在宮外與鳴鳳洞相對山崖中間可百步許

喬林幽隱巖穴巉截玲瓏嵌空深可數丈宋皇祐初
羽士于洞中獲龍蛻骨齒角皆具故名記曰五洞潛
通此其一也餘杭縣志

龍骨出晉地各處山巖土穴中往往有之爾雅翼曰
龍生於南而死於北造化權輿曰龍易骨蛇易皮麋
鹿易角蟹易螯山西通志

龍骨齒角諸處川谷及水岸上俱有蓋龍蛻實非死
也平陽府志

庶物類纂
卷七

龍齒

庶物類纂
卷七

蛇屬
龍齒

龍齒

取蛻龍牙一枚手握之臨局自然機變橫出

手參棊訣○唐

馮贛雲仙雜記

龍齒濇平無毒煨赤醋淬七次水飛用形如筆架重數兩外光澤如鏡碎之其理如石內如龍骨蝕之粘舌者真亦有微黑而煨之色如翡翠者為蒼龍齒較白者更勝其小如笋尖或如指狀者海鯁齒及骨也叢生如貫眾根者海馬齒也蝕之亦能粘舌也多以等類偽充不可不辯

清張璐本經逢原

予聞神龍蛻骨之說初未之信及從藥肆選覓龍齒見其骨有變化未全者半與牛骨無異始知宇宙之大無所不有即如蛇蟲之屬皆能蛻形化體豈特雲龍風虎而已哉

同上

龍角

龍角

大曆中日林國獻龍角，釵類玉而紺色，上刻蛟龍之形，精巧奇麗，非人所製。上賜獨孤妃，與上同遊龍池。有紫雲自釵上起，俄頃滿於舟上。命取釵置掌中，以水噴之，遂化二龍騰空而去。杜陽雜編○明閔文振異物彙苑

江南蘆荻之間，往往燒起睡龍。辰州燒起一龍，四面風雷電雨，不能撲滅，尋為煨燼。而角不化，瑩白如玉。

明陳繼儒珍珠船

永明五年獻龍角一枚，長九尺三寸，色紅有文。南史○明

陳耀文
天中記

庶物類纂
卷七

龍皮

庶物類纂

蛇屬

龍皮

一

龍皮

龍皮扇元寶家有一皮扇子製作甚質每暑月宴客
 即以此扇子置於坐前使新水灑之則颯然風生巡
 酒之間客有寒色遂命徹去明皇亦嘗差中使去取
 看愛而不受帝曰此龍皮扇子也唐王仁裕開元天寶遺事
 李德裕嘗因夏日邀同列及朝士宴時畏景赫曦咸
 有鬱蒸之苦既延入小齋列坐開尊煩暑都盡清颺
 凜冽如涉高秋及昏而罷出戶則火雲烈日熇然焦
 灼有好事者求親信問之云此日以金盆貯水浸白

庶物類纂

卷七

蛇屬

龍皮

二


龍皮置於座末龍皮者新羅僧得自海中劇談錄○

天中記

白龍皮李德裕當盛暑時會客以金盆漬之於坐側

須臾涼若高秋類纂○明劉仲達鴻書

龍髯



龍髯

元載有紫龍髯拂色如爛椹長三尺水晶為柄清冷
夜則蚊蝮不敢進拂之有聲鷄犬無不驚逸
錦繡萬花谷

庶物類纂
卷七

